

Կ Ա Ր Գ

ՎԱՐՈՐԴԻ ՍԹԱՓՈՒԹՅԱՆ ՎԻՃԱԿԻ ԶՆՆՈՒԹՅԱՆ

1. Սույն կարգով կարգավորվում են «Ճանապարհային երթևեկության անվտանգության ապահովման մասին» Հայաստանի Հանրապետության օրենքի հիման վրա վարորդի սթափության վիճակի գննության (այսուհետ՝ գննություն) հետ կապված հարաբերությունները: Սույն կարգը տարածվում է նաև անձի սթափության վիճակի որոշման այլ դեպքերի վրա:

2. Վարորդի սթափության վիճակի գննություն կատարվում է այն դեպքում, երբ օրենքը նախատեսում է քրեական կամ վարչական պատասխանատվություն ալկոհոլ, թմրամիջոցներ և (կամ) հոգեմետ (հոգեներգործուն) նյութ գործածելու և այդ վիճակում տրանսպորտային միջոց վարելու համար՝ իրավասու պետական մարմինների որոշումների կամ ուղեգրերի և կազմակերպությունների կամ քաղաքացիների դիմումի համաձայն:

3. Վարորդի սթափության վիճակի գննությունն իրականացվում է բժշկական օգնության և սպասարկման իրականացման համար լիցեզավորված անձանց (այսուհետ՝ բուժհաստատություն) կողմից: Բուժհաստատությունների շուրջօրյա աշխատանքի բացակայության դեպքում, աշխատանքային ժամից դուրս, ինչպես նաև հանգստյան, հիշատակի և տոնական օրերին վարորդի սթափության վիճակի գննությունն իրականացվում է շտապօգնության ծառայությունների կողմից:

4. Վարորդի սթափության վիճակի գննությունն իրականացվում է բուժհաստատության ղեկավարի հրամանով նշանակված բժշկի կամ ստորաբաժանման կողմից:

5. Վարորդի սթափության վիճակի գննությունը, նրա օրգանիզմում ալկոհոլի, թմրամիջոցների, հոգեմետ (հոգեներգործուն) նյութերի հայտնաբերման հետազոտությունները, համաձայն իրավասու պետական մարմինների որոշումների կամ ուղեգրերի, իրակա-

նացվում է պետական պատվեր տեղադրող մարմնի և բժշկական օգնության և սպասարկման համար լիցենզավորված անձի միջև պետության կողմից երաշխավորված անվճար բժշկական օգնության և սպասարկման իրականացման մասին պայմանագրի հիման վրա:

6. Սույն կարգի 5-րդ կետում սահմանված ուղեգրի ձևը հաստատվում է Հայաստանի Հանրապետության առողջապահության նախարարի և Հայաստանի Հանրապետության կառավարությանն առընթեր Հայաստանի Հանրապետության ոստիկանության պետի համատեղ հրամանով:

7. Վարորդի սթափության վիճակի գնությունը, նրա օրգանիզմում ալկոհոլի, թմրամիջոցների, հոգեմետ (հոգեներգործուն) նյութերի հայտնաբերման հետազոտությունները՝ կազմակերպությունների կամ քաղաքացիների դիմումի համաձայն իրականացվում են վճարովի:

8. Եթե գնությունն իրականացվում է համաձայն իրավասու պետական մարմինների որոշումների, ուղեգրերի կամ կազմակերպությունների դիմումի հիման վրա, ապա վարորդի սթափության վիճակի գնության արդյունքում կազմվում է վարորդի սթափության վիճակի գնության արձանագրություն (այսուհետ՝ արձանագրություն)՝ առանց ջնջումների, երեք օրինակից՝ համաձայն Հայաստանի Հանրապետության կառավարության **2009** թվականի մարտի **19**-ի «Վարորդի սթափության վիճակի գնության կարգը, այդ գնության արձանագրության և գրանցման մատյանի ձևերը հաստատելու մասին» **N 277**-Ն որոշման **N 2** հավելվածով հաստատված ձևի:

9. Եթե գնությունն իրականացվում է քաղաքացու դիմումի հիման վրա, ապա վարորդի սթափության վիճակի գնության արդյունքում կազմվում է վարորդի սթափության վիճակի գնության արձանագրություն՝ առանց ջնջումների, երկու օրինակից՝ համաձայն Հայաստանի Հանրապետության կառավարության **2009** թվականի մարտի **19**-ի «Վարորդի սթափության վիճակի գնության կարգը, այդ գնության արձանագրության և գրանցման մատյանի ձևերը հաստատելու մասին» **N 277**-Ն որոշման **N 2** հավելվածով հաստատված ձևի:

10. Վարորդի սթափության վիճակի գնության վերաբերյալ տվյալներն արձանագրվում են վարորդի սթափության վիճակի գնության գրանցման մատյանում՝ համաձայն Հայաստանի Հանրապետության կառավարության **2009** թվականի մարտի **19**-ի «Վարորդի սթա-

փութան վիճակի գննութան կարգը, այդ գննութան արձանագրության և գրանցման մատյանի ձևերը հաստատելու մասին» **N 277-Ն** որոշման **N 3** հավելվածով հաստատված ձևի:

11. Վարորդի կողմից գննությունն անցնելուց հրաժարվելու դեպքում գննությունն իրականացնող բժիշկը վարորդի սթափության վիճակի գննության գրանցման մատյանում և արձանագրությունում կատարում է դրա մասին գրառում:

12. Զննություն կարող է իրականացվել վարորդի արտաշնչած օդի, նրանից վերցված մեզի և (կամ) արյան հետազոտության միջոցով:

13. Մեզի և (կամ) արյան հետազոտության միջոցով գննությունն իրականացնելիս՝ վարորդներից վերցվում է ոչ ավելի, քան **20** միլիլիտր արյուն և (կամ) **200** միլիլիտր մեզ:

14. Վարորդի օրգանիզմում ալկոհոլի հայտնաբերման համար գննությունն առաջին հերթին իրականացվում է վարորդի արտաշնչած օդի հետազոտության միջոցով:

15. Վարորդի գրավոր պահանջով և (կամ) իր կողմից արտաշնչված օդի նմուշներ հանձնելուց վարորդի հրաժարվելու դեպքում գննություն կարող է իրականացվել մեզի և (կամ) արյան հետազոտության միջոցով:

16. Եթե վարորդը գտնվում է անգիտակից վիճակում, ապա գննությունն իրականացվում է արյան հետազոտության միջոցով:

17. Վարորդի արտաշնչած օդի հետազոտության միջոցով գննությունն իրակացվում է օդի փորձանմուշները վերցնելուց անմիջապես հետո:

18. Մեզի և (կամ) արյան հետազոտության միջոցով գննությունն իրականացվում է փորձանմուշները վերցնելուց հետո **1-4** օրվա ընթացքում՝ կախված փորձանմուշներ հանձնած անձի առողջական վիճակից:

19. Սթափության վիճակի որոշման համար վերցվող փորձանմուշները (բացառությամբ օդի հետազոտության) պահվում են բուժհաստատությունում փորձանմուշների վերցման օրվանից **8** ամիս ժամկետով: Զննության արդյունքների և (կամ) դրանց հիման վրա ընդունված ակտերի բողոքարկման դեպքում փորձանմուշները (բացառությամբ օդի հետազոտության) պահվում են բուժհաստատությունում մինչև բողոքի հիման վրա վերջնական ակտի ընդունումը:

20. Մեկ եղանակով (մեթոդով) սթափության վիճակի զննության արդյունքների հետ համաձայն չլինելու դեպքում զննվողը կարող է պահանջել, որ իր սթափության վիճակը որոշվի նաև այլ եղանակով (մեթոդով):

21. Եթե վարորդի սթափության վիճակի զննությունն իրականացվում է համաձայն իրավասու պետական մարմինների որոշումների կամ ուղեգրերի կամ կազմակերպությունների դիմումների, ապա վարորդի սթափության վիճակի զննության արձանագրության առաջին օրինակը տրվում է համապատասխանաբար վարորդի սթափության վիճակի զննություն իրականացնելու որոշում ընդունած իրավասու պետական մարմնին, դիմում կամ ուղեգիր ներկայացրած կազմակերպությանը, ինչի մասին ստացողը վարորդի սթափության վիճակի զննության գրանցման մատյանում նշում է «ստացա արձանագրության առաջին օրինակը», արձանագրության ստացման ամսաթիվը և գրառումը հաստատում իր ստորագրությամբ: Արձանագրության երկրորդ օրինակը տրվում է այն անձին, ում նկատմամբ իրականացվել է վարորդի սթափության վիճակի զննություն, ինչի մասին ստացողը վարորդի սթափության վիճակի զննության գրանցման մատյանում նշում է «ստացա արձանագրության երկրորդ օրինակը», արձանագրության ստացման ամսաթիվը և գրառումը հաստատում իր ստորագրությամբ: Արձանագրության երրորդ օրինակը պահվում է այն բուժհաստատությունում, որտեղ իրականացվել է զննությունը:

22. Եթե վարորդի սթափության վիճակի զննությունն իրականացվում է քաղաքացու դիմումի հիման վրա, ապա վարորդի սթափության վիճակի զննության արձանագրության առաջին օրինակը տրվում է վարորդի սթափության վիճակի զննություն իրականացնելու դիմում ներկայացրած անձին, ինչի մասին ստացողը վարորդի սթափության վիճակի զննության գրանցման մատյանում նշում է «ստացա արձանագրության առաջին օրինակը», արձանագրության ստացման ամսաթիվը և հաստատում իր ստորագրությամբ: Արձանագրության երկրորդ օրինակը պահվում է այն բուժհաստատությունում, որտեղ իրականացվել է զննությունը:

23. Արձանագրության զննությունն իրականացրած բուժհաստատությունում պահվող օրինակին կցվում է որոշումը, ուղեգիրը կամ դիմումը, որի հիման վրա կատարվել է զննությունը, արյան և (կամ) մեզի հետազոտության դեպքում՝ այդ հետա-

գոտության պատասխանը, այլ մեթոդով զննություն իրականացնելու վարորդի գրավոր պահանջի առկայության դեպքում՝ այդ գրավոր պահանջը: Արձանագրությունները պետք է լինեն համարակալված և վավերացված բուժհաստատության կնիքով ու տնօրենի ստորագրությամբ: Վարորդի սթափության վիճակի զննության գրանցման մատյանի էջերը նույնպես պետք է լինեն համարակալված, կարված և վավերացված բուժհաստատության կնիքով ու տնօրենի ստորագրությամբ:

24. Վարորդի սթափության վիճակի զննության արձանագրությունը և սույն կարգի 21-րդ կետով նախատեսված կից փաստաթղթերը զննությունն իրականացրած կազմակերպությունում պահվում են երեք տարի ժամանակով:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

ՍԱՐԳՍՅԱՆ

Դ.

ՎԱՐՈՐԴԻ ՍԹԱՓՈՒԹՅԱՆ ՎԻՃԱԿԻ ԶՆՆՈՒԹՅԱՆ ԱՐՁԱՆԱԳՐՈՒԹՅԱՆ N _____

(բուժհաստատության լրիվ անվանումը)

1. Զննության ժամը, օրը, ամիսը, տարեթիվը _____:
 2. Զննությունը կատարողի անունը, ազգանունը և պաշտոնը _____:
 3. Զննվողի անունը, ազգանունը _____:
 4. Ծննդյան օրը, ամիսը, տարեթիվը _____:
 5. Ում կողմից է ընվունվել զննության որոշումը _____:
 6. Տեղեկություններ ալկոհոլի, թմրամիջոցների, հոգեմետ (հոգեներգործուն) նյութերի գործածման մասին _____:
 7. Արտաշնչված օդի հետազոտությունը`
 - 1) մեթոդը` _____,
 - 2) հետազոտման արդյունքը` _____:
 8. Օրգանիզմի հետազոտությունը`
 - 1) կենսամիջավայրի տեսակը (մեզ և (կամ) արյուն)` _____,
 - 2) հետազոտման արդյունքը` _____:
 9. ԵԶՐԱԿԱՑՈՒԹՅՈՒՆ _____:
- Հետազոտող` _____
(ստորագրություն)
- Հետազոտվող` _____
(ստորագրություն)
- Բուժհաստատության ղեկավար` _____
(ստորագրություն)

Կ.Տ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ

Գ Ր Ա Ն Ց Մ Ա Ն Մ Ա Տ Յ Ա Ն

ՎԱՐՈՐԴԻ ՍԹԱՓՈՒԹՅԱՆ ՎԻՃԱԿԻ ԶՆՆՈՒԹՅԱՆ

NN ը/կ	Զննության մասին որոշում ընդունած կամ ուղեգիր տված մարմնի, կամ դիմում ներկայացրած կազմակերպության կամ քաղաքացու անունը (անվանումը)	Զննության մասին որոշման, ուղեգրի, դիմումի համարը, դրա լրացման ամսաթիվը և ժամը	Զննության ենթակա անձին ուղեկցողի անունը, ազգանունը, պաշտոնը, ծառայողական վկայականի համարը	Զննվողի անձը հաստատող փաստաթղթի տեսակը և դրա համարը	Զննվողի անունը, ազգանունը և ծննդյան օրը, ամիսը, տարեթիվը	Զննվողի բնակության և հաշվառման վայրերը	Զննությունն իրականացնողի անունը, ազգանունը, պաշտոնը, ստորագրությունը	Զննության իրականացման տարեթիվը, ամիսը, ամսաթիվը և ժամը	Արձանագրության համարը	Զննության եզրակացությունը	Արձանագրություն ստացողների անունը, ազգանունը, պաշտոնը, ծառայողական վկայականի համարը (պաշտոնատար անձի դեպքում), ստացողների ստորագրությունները, ստացման ամսաթիվը
1	2	3	4	5	6	7	8	9	10	11	12

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ